

唐  
音  
統  
籤

丁籤九十三白居易之十 唐音統籤卷四百九

五言古詩十

舊編長慶前  
集感傷內

西明寺牡丹花時憶默九

前年題名處今日看花來一作芸香吏三見牡丹  
開豈獨花堪惜方知老闇催何況尋花伴東都去  
未迴詎知紅芳側春盡思悠悠哉

傷楊弘貞

顏子昔知命仲尼惜其賢楊生亦好學不幸復徒  
然一作今誰識天地意獨與龜鶴年

權攝昭應縣早秋書事寄元拾遺兼呈李司

錄

夏閏秋候早七月風騷騷渭川煙景晚驪山宮殿  
高丹殿子司諫赤縣我徒勞相去半日程不得同  
遊遨到官來十日覽鏡生二毛可憐趨走吏塵土  
滿青袍郵傳擁兩驛簿書堆六曹爲問綱紀掾何  
必使鉛刀

新栽竹

佐邑竟不適閉門秋草生何以娛野性種竹百餘  
莖見此溪上色憶得山中情有時公事暇盡日遊  
欄行勿言根未固勿言陰未成已覺庭宇內稍稍

有餘清最愛近窻臥秋風枝有聲

秋霖中過尹縱之仙遊山居

慘慘八月暮連連三日霖  
邑居尚愁寂况乃在山  
林林下有志士苦學惜光陰  
歲晚千萬慮併入方  
寸心巖鳥共旅宿草蟲伴  
愁吟秋天牀席冷雨夜  
燈火深憐君寂寞意攜酒  
一相尋

寄江南兄弟

分散骨肉戀趨馳名利牽  
一奔塵埃馬一汎風波  
船忽憶分手時憫然秋風  
前別來朝復夕積日成  
七年花落城中池春深江  
上天登樓東南望鳥滅

煙蒼然相去復幾許道里近三千平地猶難見况  
乃隔山川

曲江早秋

三年作

秋波紅蓼水夕照青蕪岸獨信馬蹄行曲江池四  
畔早涼晴後至殘暮暝來散方喜炎燠清復嗟時  
節換我年三十六冉冉昏復旦人壽七十稀七十  
新過半且當對酒笑勿起臨風歎

寄題盤屋廳前雙松

兩松自伯遊  
山移旋縣廳

憶昨爲吏日折腰多苦辛歸家不自適無計慰心  
神予栽兩樹松聊以當嘉賓春來日一往生意新

欣欣清韻度秋在綠茸隨日新始憐澗底色不憶  
城中春有時晝掩闌雙影對一身晝日不寂寞意  
中如三人忽奉宣室詔徵爲文苑臣閒來一惆悵  
長似別交親  
烟翠前攀翫不遑巡悔從白雲  
裏移爾落罝塵

翰林院中感秋懷王質夫

王居仙  
遊山

何處感時節新蟬禁中聞宮槐有秋意風夕花紛  
紛寄跡鴛鴦行歸心鷗鶴羣唯有王居士知予憶  
白雲何日仙遊寺潭前秋見君

禁中月

海上明月出禁中清夜長東南樓殿白稍稍上宮  
精淨落金塘水明淨玉砌霜不比人間見塵土汚  
清光

贈賣松者

一束蒼蒼色如從澗底來斲掘經幾日枝葉滿塵  
埃不買非他意城中無地栽

初見白髮

白髮生一莖朝來明鏡裏勿言一莖少滿頭從此  
山方遠別黃綬初從仕未料容鬢間蹉跎忽  
如此

送元九後詠所懷

零落桐葉雨蕭條槿花風悠悠早秋意生此幽閒  
中況與故人別中懷正無悰勿云不相送心到青  
門東相知豈在多但問同不同同心一人去坐覺  
長安空

早秋曲江感懷

離離暑雲散嫋嫋涼風起池上秋又來荷花半成  
子朱顏易消歇白日無窮已人壽不如山年光急  
於水青蕪與紅蓼歲歲秋相似去歲此悲秋今我  
復來此



寄元九

身爲近密拘心爲名檢縛月夜與花時少逢杯酒  
樂唯有元夫子閒來同一酌把手或酣歌展眉時  
笑謔今春除御史前月之東洛別來未開顏塵埃  
滿樽杓蕙風晚香盡槐雨餘花落秋意一蕭條離  
容兩寂寞況隨白日老共負青山約誰識相念心  
鞞鷹與籠鶴

春暮寄元九

梨花結成實燕卵花爲雛時物又若此道情復何  
如但覺日月促不嗟年歲徂浮生都是夢老小亦

何殊唯與故人別江陵初謫居時時一相見此意  
未全除

早梳頭

夜沐早梳頭  
照明秋鏡曉  
颯然握中髮  
一沐知一  
少年事漸蹉跎  
世緣方繳繞  
不學空門法  
老病何  
出了未得無  
生心頭白亦爲天

別舍弟後月夜

悄悄初別後  
去住兩盤桓  
行子孤燈店  
居人明月  
軒平生共貧  
苦未必日成歡  
及此暫爲別  
懷抱已  
憂煩况是庭  
葉盡復思山路  
寒如何爲不念  
馬瘦

衣裳單

新豐路逢故人

塵土長路晚風烟廢宮秋相逢立馬語盡日此橋  
頭知君不得意鬱鬱來西遊惆悵新豐店何人識  
馬周

金鑿子晬日

行年欲四十有女曰金鑿生來始周歲學坐未能  
言意非達者懷未免俗情憐從此累身外徒云慰  
目前若無天折患則有婚嫁牽使我歸山計應遲  
十五年

青龍寺早夏

塵埃經小雨地高倚長坡日西寺門外景氣含  
和閒有老僧立靜無凡客過殘鷲意思盡新葉陰  
涼多春去未幾日夏雲忽差我朝朝感時節年鬢  
鬢蹉跎胡爲戀朝市不去歸烟蘿青山寸步地自  
問心如何

秋題牡丹叢

晚叢白露夕衰葉涼風朝紅豔久已歇碧芳今亦  
銷幽人坐相對心事共蕭條

勸酒寄元九

薤葉有朝露，檜枝無宿花。君今亦如此，促促生有涯。  
既不逐禪僧，林下學楞伽。又不隨道士，山中煉丹砂。  
百年夜分半，一歲春無多。何不飲美酒，胡然自悲嗟。  
俗驢消愁藥，神速無以加。一杯驅世慮，兩杯反天和。  
三杯卽酩酊，或笑任狂歌。陶陶復兀兀，吾孰知其他。  
况在名利途，平生有風波。深心藏陷穽，巧言織網羅。  
舉目非不見，不醉欲如何。

曲江感秋

五年作

沙草新雨地，岸柳涼風枝。三年感秋思，併在曲江池。  
早蟬已嘹唳，晚荷復離披。前秋去秋思，一一生

此時昔人三十二秋興已云悲我今欲四十秋懷  
亦可知歲月不虛設此身隨日衰闇老不自覺直  
到鬢成絲

酬張太祝晚秋臥病見寄

高才淹禮寺知羽翔禁林西街居處遠北闕官曹  
深君病不來訪我忙難往等差池終日別寥落經  
年心露濕綠蕪地月寒紅樹陰况茲獨愁夕聞彼  
相思吟上言歡笑阻下嗟時歲侵客衰晚牕鏡思  
苦秋絃琴一章錦繡段八韻瓊瑤音何以報珍重  
慙無雙南金

立秋日曲江憶元九

下馬柳陰下，獨上堤上行。故人千萬里，新蟬三兩聲。  
城中曲江水，江上江陵城。兩地新秋思，應同此日情。

早朝賀雪寄陳山人

長安盈尺雪，早朝賀君喜。將赴銀臺門，始出新昌里。  
上堤馬蹄滑，中路螭燭死。十里向北行，寒風吹破耳。  
待漏午門外，候對三殿裏。鬚鬢凍生冰，衣裳冷如水。  
忽思仙遊谷，聞謝陳居士。暖覆褐裘眠，日高應未起。

初與元九別後忽夢見之及寤而書適三兼

寄桐花詩悵然感懷因以此寄

元九初  
謫江陵

永壽寺中語新昌坊北分歸來數行淚悲事不悲  
君悠悠藍田路自去無消息計君食宿程已過商  
山北昨夜雲四散千里同月色曉來夢見君應是  
君相憶夢中握君手問君意何如君言若相憶無  
人可寄書覺來未及說叩門聲藜藜言是商州使  
送君書一封枕上忽驚起顛倒着衣裳開緘見手  
扎一紙十三行上論遷謫心下說離別腸心腸都  
未盡不暇敘炎涼云作此書夜夜宿商州東獨對



孤燈坐陽城山館中夜深作書畢山月向西斜月  
前何所有一樹紫桐花桐花半落時復道正相思  
殷勤書背後兼寄桐花詩桐花詩半韻思緒一何  
深以我今朝意憶君此夜心一章一遍讀一句十  
回吟珍重八十字字字化爲金

和元九悼往

感舊蚊  
榻作

美人別君去自去無處尋舊物零落盡此情安可  
任唯有襯紗幌塵埃日夜侵馨香與顏色不似舊  
時深透影燈耿耿籠光月沉沉中有孤眠客秋涼  
生夜衾舊宅牡丹院新墳松木林夢中咸陽淚覺

江陵心舍此隔年恨發爲中夜吟無論君自感  
聞者欲沾巾

重到渭江舊居

舊居清渭曲開門當蔡渡十年方一還幾欲迷歸  
路追思昔日行感傷故游處插柳作高林種桃成  
老樹因驚成人者盡是舊童孺試問舊老人半爲  
遶村墓浮生同過客前後遞來去白頭如弄珠出  
入光不住人物日改變舉目悲所遇回念念我身  
安得不衰暮朱顏銷不歇白髮生無數唯有山門  
外三峰色如故

白髮

白髮知時節，關與我有期。今朝日陽裏，梳落數莖絲。家人不慣見，憫點爲我悲。我云何足怪，此意爾不知。凡人年三十外，壯中已衰，但思寢食味已減，二十時況我年四十，本來形貌羸，書魔昏兩眼，酒病沉四肢，親愛日零落在者，仍別離身心，久如此。白髮生已遲，由來生老死三病，長相隨，除却念無主人間無藥治。

秋日

寒寥落水窻下，悠揚日綉綉。秋風多亂花，半成

實下有獨立人年來四十一

饒州江浦夜泊

明月一江清  
愁人獨臥舟  
煩寃寢不得  
夏夜長於  
秋苦  
衣食資遠爲  
江海游光陰  
助遲暮鄉國  
行  
豈修身  
疴向鄱陽家  
貧寄徐州前  
事與後事豈  
堪  
心併憂憂來  
起長望但見  
江水流雲樹  
藹蒼蒼烟  
波淡悠悠故  
園迷處所一  
望堪白頭

思歸

時初爲  
校書郎

養無晨昏膳  
隱無伏臘資  
遂求及親祿  
僂俛來京  
師薄俸未及  
親別家已經  
時冬  
悲  
臨  
席  
戀  
春  
違  
采

蘭期夏至一陰生稍稍夕澗遲  
堪然抱愁者長夜  
獨先知悠悠鄉關路夢去身不  
隨坐惜時節變蟬  
鳴槐花枝

冀城北原作

野色何莽蒼秋聲亦蕭疎  
風吹黃埃起落日驅征  
車何代此開國封疆百里  
餘古今不相待朝市無  
常居昔人城邑中今變爲  
丘墟昔人墓田中今化  
爲里閭廢興相催迫日月  
互居諸世變無遺風焉  
能知其初行人千載後懷  
古空躊躇

客路感秋寄明準上人

日暮天地冷雨霽山河清長風從西來草木凝秋  
聲已感歲倏忽復傷物獨零孰能不憮悽天時牽  
人情借問空門子何法易修行使我忘得心不教  
煩惱生

遊襄陽懷孟浩然

楚山碧巖巖漢水碧湯湯秀氣結成象孟氏之文  
章今我諷遺文思人至其鄉清風無人繼日暮空  
襄陽南望鹿門山藹若有餘芳舊隱不知處雲深  
樹蒼蒼

秋暮西歸途中書情

耿耿旅燈下愁多常少眠思鄉貴早發發在雞鳴  
前九月草木落平蕪連遠山秋陰和曙色萬木蒼  
蒼然去秋偶東遊今秋始西旋馬瘦衣裳破別家  
來二年憶歸復愁歸歸無一囊錢心雖非蘭膏安  
得不自然

秋懷

月出照北堂光華滿塔堦涼風從西至草木日夜  
衰桐柳減綠陰蕙蘭消碧滋感物私自念我心亦  
如之安得長少壯盛衰迫天時人生如石火爲樂  
良苦遲

別楊穎士盧克柔殷堯藩

倦鳥暮歸林浮雲晴歸山獨有行路子悠悠不知  
還人生苦營營終日羣動間所務雖不同同歸於  
不閒扁舟來楚鄉疋馬往秦關離憂繞心曲宛轉  
如循環且持一杯酒聊以開愁顏

題贈定光上人

二十身出家四十心離塵得徑入大道乘此不退  
輪一坐十五年林下秋復春春花與秋氣不感無  
情人我來如有悟潛以心照身誤落聞見中憂喜  
傷形神安得遺耳目冥然反天真



祇役駱口驛喜蕭侍御書至兼觀新詩吟諷

通宵因寄八韻

時爲監  
厓尉

日暮心無憊吏役正營營忽驚芳信至復與新詩  
并是時天無雲山館有月明月下讀數遍風前吟  
一聲一吟三四歎聲盡有餘清雅哉君子文詠性  
不詠情使我靈府中鄙悵不得生始知聽韶濩可  
使心和平

酬李少府曹長官舍見贈

低腰復斂手心體不遑安一落風塵下始知爲吏  
難公事與官長官情隨歲闌惆悵青袍袖芸香無

半殘賴有李夫子此懷聊自寬  
兩心如止水彼此無波瀾  
往往簿書暇相勸強爲歡  
白馬晚蹋雪綠籬春暖寒  
戀月夜同宿愛山晴可看  
野性自相近不是爲同官

留別

秋涼卷朝簾春暖撤夜衾  
雖是無情物欲別尚沉吟  
況與有情別別隨情淺深  
二年歡笑意一旦東西心  
獨留誠可念同行力不任  
前事詎能料後期諒難尋  
唯有潺湲淚不惜共沾衿

曉別

曉鼓聲已半離筵坐難久請君斷腸歌送我和淚  
酒月落欲明前馬嘶初別後浩浩聞塵中何由見  
回首

北園

北園東風起雜花次第開心知須臾落一日三四  
來花下豈無酒欲酌復遲迴所思眇千里誰勸我  
一杯

惜梢李花

花細而繁色豔而豔亦花中之  
有思者速衰易落故惜之耳

樹小花鮮妍香繁條軟弱高低二三尺重疊千萬  
萼朝豔露霏霏夕凋紛漠漠辭枝朱粉細覆地紅

綃薄由來好顏色常苦易銷鑠不見萸萸花  
吹不落

新秋

西風吹一葉庭前颯已涼風池明月水衰蓮白露  
房其奈江南夏絲絲自此長

秋江送客

秋鴻次第過哀猿朝夕聞是日孤舟客此地亦離  
羣濛濛潤衣雨漠漠冒帆雲不醉潯陽酒煙波愁  
殺人

感遊寄遠

寄通州嚴侍御梁州崔員外  
澧州李舍人鳳州李郎中

昨日聞甲死今朝聞乙死知識三分中二分化爲  
鬼逝者不復見悲哉長已矣存者今如何去我皆  
萬里平生知心者屈指能有幾通果澧鳳州眇然  
四君子相思俱老大浮世如流水應歎舊交遊凋  
零日如此何當一杯酒開眼笑相祝

秋月

夜初色蒼然夜深光浩然稍轉西廊下漸滿南牕  
前況是綠蕪地復茲清露天落葉聲策策驚鳥影  
翩翩棲禽尚不穩愁人安可眠

丁籤九十三白居易之一 唐音統籤卷四百十

五言古詩十一

舊編長慶前  
集感傷內

朱陳村

徐州古豐縣有村曰朱陳去縣百餘里桑麻青氛  
蠶機梭聲札札牛驢走紘紘女汲澗中水男採山  
上薪縣遠官事少山深人俗淳有財不行商有丁  
不入軍家家守村業頭白不出門生爲陳村民死  
爲陳村塵田中老與幼相見何欣欣一村唯兩姓  
世世爲婚姻其村唯朱陳  
二姓而已親疎居有族少長游有  
羣黃雞與白酒歡會不隔旬生者不遠別嫁娶先

近鄰死者不遠葬墳墓多遶村旣安生與死不苦  
形與神所以多壽考往往見玄孫我生禮義鄉少  
小孤且貧徒學辨是非祇自取辛勤世法貴名教  
士人重冠婚以此自桎梏信爲大謬人十歲解讀  
書十五能屬文二十舉秀才三十爲諫臣下有妻  
子累上有君親恩承家與事國望此不肖身憶昨  
旅游初迨今十五春孤舟三適楚羸馬四經秦晝  
行有饑色夜寢無安魂東西不暫住來往若浮雲  
離亂失故鄉骨肉多散分江南與江北各有平生  
親平生終日別近者隔年聞朝憂臥至暮夕哭坐

達晨悲苦燒心曲愁霜侵鬢根一生苦如此長羨  
陳村民

讀鄧魴詩

塵架多文集偶取一卷披未及看姓名疑是陶潛  
詩看名知是君惻惻令我悲詩人多蹇厄近日誠  
有之京兆杜子美猶得一拾遺襄陽孟浩然亦聞  
鬢成絲嗟君兩不如三十在布衣擢筮祿不及新  
婚妻未歸少無疾患溘死於路岐天不與爵壽唯  
與好文詞此理勿復道巧曆不能推

寄元九



晨雞纔發聲，夕雀俄斂翼。晝夜往復來，疾如出入息。非徒改年貌，漸覺無心力。自念因念君，俱爲老所逼。君年雖校少，顛顛謫南國。三年不放歸，炎瘴消顏色。山無殺草霜，水有含沙蜮。徒否遠不知，書多隔年得。願君少愁苦，我亦加飧食。各保金石軀，以慰長相憶。

夜雨

我有所念人，隔在遠遠鄉。我有所感事，結在深深腸。鄉遠去不得，無日不瞻望。腸深解不得，無夕不思量。況此殘燈夜，獨宿在空堂。秋天殊未曉，風雨

正蒼蒼不學頭陀法前心安可忘

秋霽

金火不相待炎涼雨中變林晴有殘蟬巢冷無留  
燕沉吟卷長簾惻惻收團扇向夕稍無泥閒步青  
苔院月出砧砧動家家擣秋練獨對多病妻不能  
理針線冬衣殊未製夏服行將綻何以迎早秋一  
盃聊自勸

歎老三首

晨興照青鏡形影兩寂寞少年辭我去白髮隨梳  
落萬化成於漸漸衰看不覺但恐鏡中顏今朝老

於昨人年少滿百不得長歡樂誰謂天地心千齡  
與龜鶴吾聞善醫者今古稱扁鵲萬病皆可治唯  
無治老藥

我有一握髮梳理何稠直昔似玄雲光今如素絲  
色匣中有舊鏡欲照先歎息自從頭白來不欲明  
磨拭鴟頭與鶴頸至老當如墨獨有人鬢毛不得  
終身黑

前年種桃核今歲成花樹去歲新嬰兒今年已學  
步但驚物長成不覺身衰暮去矣欲何如少年留  
不住因書今日意徧寄諸親故壯歲不歡娛長年

當悔悟

送兄弟回雪夜

日晦雲氣黃，東北風切切。時從村南還，新與兄弟別。  
離淚襟猶濕，迴馬嘶未歇。欲歸一室坐，天陰多無月。  
夜長火消盡，歲暮雨凝結。寂寞滿罏灰，飄零上堦雪。  
對雪畫寒灰，殘燈明復滅。及死如我心，雪白如我髮。  
所遇皆如此，頃刻堪愁絕。迴念入坐忘，轉憂作禪悅。  
平生洗心江，正爲今宵設。

溪中早春

南山雪未盡，陰嶺留殘白。西澗冰已消，春溜含新

碧東風來幾日  
蟄動萌芽  
拆潛知陽和功  
一日不  
虛擲  
愛此天氣暖  
來携愛  
邊石一坐欲忘歸  
暮禽  
聲嘖嘖蓬蒿隔  
桑竄隱映  
夕夕歸來問夜  
食家  
人烹薺麥

同友人尋澗花

聞有澗底花  
蕢得村中酒  
與君來校遲  
已逢搖落  
後臨觴有遺  
恨悵望空溪  
口記取花發  
時期君重  
攜手我生日  
日老春色年  
年有且作來  
歲期未知  
身健否

登村東古塚

缺豈如玉匣裏如水常清徹月破天暗時圓明獨  
不歇我慙貌醜老繞髣斑斑雪不如贈少年迴照  
青絲髮因君千里去持此將爲別

城上對月期友人不至

古人惜晝短勸令秉燭遊況此迢迢夜明月滿西  
樓復有樽中酒置在城上頭期君君不至人月兩  
悠悠照水烟波白照人肌髮秋清光正如此不醉  
卽須愁

念金鑿子二首

衰病四十身嬌癡三歲女非男猶勝無慰情時一

撫一朝捨我去魂影無處所況念天札時嘔啞初  
學語始知骨肉愛乃是憂悲聚唯思未有前以理  
遣傷苦忘懷日已久三度移寒暑今日一傷心因  
逢舊乳母

真爾爲父子八十有六旬忽然又不見邇來三四  
春形質本非實氣聚偶成身恩愛元是妄緣合暫  
爲親念茲庶有悟聊用遣悲辛暫將理自奪不自  
心情人

對酒

人生一百歲通計三萬日何況百歲人人間百無

一賢愚共零落貴賤同埋沒東岱前後魂北邙新  
舊骨復聞藥誤者爲愛長生術又有憂死者爲貪  
政事筆藥誤不得老憂死非因疾誰言人最靈知  
得不知失何如會親友飲此杯中物能沃煩慮消  
能陶真性出所以劉阮輩終年醉兀兀

渭村雨歸

渭水寒漸落離離蒲稗苗間傍沙邊立看人刈葦  
君近水風景冷晴明猶寂寥復茲夕陰起野思重  
蕭條蕭條獨歸路暮雨濕村橋

論懷



黑頭日已白白面日已黑人生未死間變化何終  
極常言在已者莫若形與色一朝改變來止過不  
能得況彼身外事悠悠通與塞

喜友至留宿

村中少賓客柴門多不開忽聞車馬至云是故人  
來況值風雨夕愁心正悠哉願君且同宿盡此手  
中杯人生開口笑百年都幾回

西原晚望

花菊引閒步行上西原路原上晚無人因高聊因  
顧南陌有烟火北陌連墟墓村鄰何蕭條近者無

百步吾廬在其下寂寞風日暮門外轉枯蓬籬根  
伏寒兔故園汴水上離亂不堪去近歲始移家飄  
然此村住新屋五六間古槐八九樹便是衰病身  
此身終老處

感鏡

美人與我別留鏡在匣中自從花顏去秋水無美  
蓉經年不開匣紅塵覆青銅今朝一拂拭自顧顛  
頽容照罷重惆悵背後雙盤龍

村居臥病三首

戚戚抱羸病悠悠度朝暮夏木纔結陰秋蘭已含

露前日巢中卵化爲雛飛去昨日穴中蟲蛻爲蟬  
上樹四時未嘗歇一物不暫住唯有病客心沉然  
獨如故

新秋久病客起步村南道盡日不逢人蟲聲徧荒  
草西風吹白露野綠秋仍早草木猶未傷先傷我  
懷抱朱顏與玄鬢強健幾十好況爲憂病侵不得  
依年老

種黍三十畝雨來苗漸大種薤二十畦秋來欲堪  
刈望黍作冬酒留薤爲春菜荒村百物無待此養  
衰瘵葺廬備陰雨補褐防寒歲病身知幾時且作

明年計

沐浴

經年不沐浴塵垢滿肌膚今朝一澡濯衰瘦頗有  
餘老色頭鬢白病形肢體虛衣寬有賸帶髮少不  
勝梳自問今年幾春秋四十初四十已如此七十  
復何如

栽松二首

小松未盈尺心愛手自移蒼然澗底色雲濕烟霏  
霏栽植我年晚長成君性遲如何過四十種此數  
寸株得見成陰否人生七十稀

愛君抱晚節憐君含直文欲得朝朝見堦前故種  
君如君死則已不死會凌雲

病中友人相訪

臥久不記日南窗昏復昏蕭條草簷下寒雀朝夕  
聞強扶牀前杖起向庭中行偶逢故人至便當一  
逢迎移榻就斜日披裘倚前楹閒談勝服藥稍覺  
有心情

自覺二首

四十未爲老憂傷早衰惡前歲二毛生今年一齒  
落形骸日損耗心事同蕭索夜寢與朝食其間味

亦薄同歲崔舍人容光方灼始知年與貌衰盛  
隨憂樂畏老老轉逼憂病病彌縛不畏復不憂是  
除老病藥

朝哭心所愛暮哭心所親親愛零落盡安用身獨  
存幾許平生歡無限骨肉恩結爲腸間痛聚作鼻  
頭辛悲水四肢緩泣盡雙眸昏所以年四十心如  
七十人我聞浮圖教中有解脫門置心爲止水視  
身如浮雲抖擻垢穢衣度脫生死輪胡爲戀此苦  
不去猶逡巡回念發弘願願此見在身但受過去  
報不結將來因誓以智慧水永洗煩惱塵不將恩

愛于更種悲憂根

夜雨有念

以道治心氣終歲得晏然何乃戚戚意忽來風雨  
天既非慕榮顯又不恤饑寒胡爲若不樂抱膝殘  
燈前形影闇相問心默對以言骨肉能幾人各在  
天一端吾兄寄宿州吾弟客東川南北五千里吾  
身在中間欲去病未能欲住心不安有如波上舟  
此縛而彼牽自我向道來於今六七年鍊成不二  
性消盡萬千緣唯有恩愛火往往猶熬煎豈是藥  
無効病多難盡蠲

寄楊六

楊攝萬年縣尉  
子爲贊善大夫

青宮官冷靜赤縣事繁劇一閒復一忙動作經時  
隔清觴久未酌白日頓虛擲念此忽踟躕悄然心  
不適豈無舊交結久別或遷易亦有新往還相見  
多形迹唯君於我分堅久如金石何況老大來人  
情重婚戚會稀歲月急此事真可惜幾回開口笑  
便別髮鬚白公門苦鞅掌盡日無閒隙猶冀乘暝  
來靜言同一夕

送春

三月三十 春歸日復暮惆悵問春風明朝應不



住送春曲江上眷眷東西顧但見撲水花紛紛不  
知數人生似行客兩足無停步日日進前程前程  
幾多路兵刀與水火盡可違之去唯有老到來人  
間無避處感時良爲已獨倚池南樹今日送春心  
心如別親

哭李三

去年渭水曲秋時訪我來今年常樂里春日哭君  
回哭君仰問天天意安在哉若必奪其壽何如不  
與才落然身後事妻病女嬰孩

丁籤九十三白居易之十一  
唐音統籤卷十一

五言古詩十二曾編長慶前集感傷內

別李十一後重寄自此後詩滿江州作

秋日正蕭條驅車出蓬華回望青門道日極心鬱  
鬱豈獨戀鄉土非關慕簪紱所愴別李若平生同  
道術俱承金馬詔聯秉諫臣筆共上青雲梯中途  
一相失江湖我方往朝廷君不出蕙帶與華簪相  
逢是何日

初出藍田路作

停驂問前路路在秋雲裏蒼蒼縣南道去途從此

唐音統籤卷四十一

始絕頂忽盤上衆山皆下視下視千萬峰峰頭如  
浪起朝經韓公坂夕次藍橋水潯陽僅四千始行  
七十里人煩馬蹄跼勞苦已如此

仙娥峰下作

我爲東南行始登商山道商山無數峰最愛仙娥  
好差參樹若插匝匝雲如抱渴望寒下泉香闥紫  
芝草青岸萍削碧白石淋鋪綺向無如此物安足  
留四皓感彼私自問歸山何不早可能塵土中還  
隨衆人老

再到襄陽訪開舊居

昔到襄陽日冉冉初有髭今過襄陽日髭鬢半成  
絲舊遊都是夢乍到忽如歸東郭蓬蒿宅荒涼今  
屬誰故知多零落閣井亦遷移獨有秋江水烟波  
似舊時

寄微之三首

江州望通州天涯與地未有山萬丈高有江千里  
闊間之以雲霧飛鳥不可越誰知千古險爲我二  
人設通州君初到鬱鬱愁如結江州我公去迢迢  
行未歇道路日乖隔音信日斷絕因風欲寄語地  
遠聲不徹生當復相逢死當從此別

君避襄陽日我在長安住君今在通州我過襄陽  
去襄陽九里郭樓雉連雲樹顧此稍依依是君舊  
遊處蒼茫蒹葭水中有潯陽路此去更相思江西  
少親故

去國日已遠喜逢物似人如何含此意江上坐思  
君有如河嶽氣相合方氛盪狂風吹中絕兩處成  
孤雲風迴終有時雲合豈無因努力各自愛窮通

我爾身

喜逢一  
作稀逢

舟中雨夜

江雲黯悠悠江風冷修修夜雨滴船背風浪打船

頭船中有病客左路向江州

夜聞歌者

夜泊鸚鵡洲秋江月澄徹鄰船有歌者發調堪愁  
絕歌罷繼以泣泣聲通復咽尋聲見其人有婦顏  
如雪獨倚帆檣立娉婷十七八夜淚如真珠雙雙  
墮明月借問誰家婦歌泣何淒切一問一沾襟低  
眉終不說

憶洛下故園

時淮汝寇  
戒未滅

潯陽遷謫地洛陽離亂年烟塵三川上炎瘴九江  
邊鄉心坐如此秋風仍颯然

贈別崔五

朝送南去客，暮迎北來賓。孰云當大路，少遇心所親。  
勞者念息肩，熱者思濯身。何如獨愁日，忽見平生人。  
平生已不淺，是日重殷勤。問從何處來，及此江亭春。  
江天春多雲，夜月隔重陰。移樽樹間飲，燈照花紛紛。  
一會不易得，餘事何足云。明且又分手，今夕且歡忻。

春晚寄微之

三月江水闊，悠悠桃花波。年芳與心事，此地兩蹉跎。  
跼南國，方譴謫。中原正兵戈，眼前故人少。頭上白

髮多通州更迢遞春盡復如何

漸老

今朝復明日不覺年齒暮白髮逐梳落朱顏辭鏡  
去當春頗愁寂對酒寡歡趣悲境多愴新逢人益  
敦故形質屬天地推遷從不任所怪少年心銷磨  
落何處

送幼史

淮右寇未散江西歲再徂故里干戈地行人風雪  
途此時與爾別江畔立踟躕

寄行簡



眉目新  
鬱鬱眉多斂默默口寡言豈是願如此舉目誰與  
歡去春爾西征從事巴蜀間今春我南謫抱疾江  
海孺相去六千里地絕天邈然十書九不達何以  
開憂顏渴人多夢飲饑人多夢食春來夢何處合  
眼到東川

首夏

孟夏百物滋動植一時好麋鹿樂深林蟲蛇喜豐  
草翔禽愛密葉游鱗悅新藻天和遺漏處而我獨  
枯槁一身在天末骨肉皆遠道舊國無來人寇戎  
塵浩浩憂沉竟何益愁自勞懷抱不如放身心冥

任天造澤陽多美酒可使杯志燥溢魚賤如  
烹炙無昏早朝飯山下寺暮醉湖中島何必歸  
鄉茲焉可終老

孟夏思涓村舊居寄舍弟

嘖嘖雀引雛稍稍筍成竹時物感人情思我故鄉  
曲故園涓水上十載事樵牧手種榆柳成陰陰覆  
牆屋免隱豆苗肥鳥鳴桑椹熟前年當此時與爾  
同遊矚詩書課弟姪農圃資童僕日暮麥登場天  
晴蠶拆簇弄泉南澗坐待月東亭宿興發飲數杯  
悶來碁一局一朝忽分散萬里仍羈束并鮒思反

泉籠鶯梅出谷九江地卑濕四月天炎燠苦雨初  
入梅瘴雲稍含毒泥秧水畦稻及種畝田粟已訝  
殊歲時仍嗟異風浴閒登郡樓望日落江山綠歸  
鴈拂鄉心平湖斷人目如我方漂泊舊里君幽獨  
何時同一瓢飲水心亦足

早蟬

六月初七日江頭蟬始鳴石楠深葉裏薄暮兩三  
聲一催衰鬢色再改故園情西風殊未起秋思先  
秋生憶昔在東掖宮槐花下聽今朝無限思雲樹

遼湓城

感情

中庭曬服翫忽見故鄉履昔贈我者誰東鄰嬋娟  
子因思贈時語特用結終始未願如履綦雙行復  
雙止自吾謫江郡漂蕩三千里爲感長情人提攜  
同到此今朝一惆悵反覆看未已人隻履猶雙何  
曾得相似可嗟復可惜錦表繡爲裏況經梅雨來  
色黯花草死

南湖晚秋

八月白露降湖中水落早旦夕秋風多衰荷半傾  
倒手攀青樹樹尾蹋黃蘆草慘淡老容顏零落秋

懷抱有兄在淮楚有弟在蜀道萬里何時來烟波  
白浩浩

郡廳有樹晚榮早凋人不識名因題其上

潯陽郡廳後有樹不知名秋先梧桐落春後桃李  
榮五月始榮動八月已凋零左右皆松桂四時鬱  
青青豈量雨露恩沾濡不均平榮枯各有分天地  
本無情而我亦相類早衰向晚成形骸少多病三  
十不豐盈毛髮早改變四十白髭生誰教兩蕭索  
相對此江城

感秋懷微之

葉下湖有波秋風此時至誰知濩落心先納蕭條  
氣推移感時歲漂泊思同志昔爲烟霞侶今作泥  
塗吏白鷗毛羽弱青鳳文章異各閉一籠中歲晚  
同顛顛

因沐感髮寄朗上人二首

年長身轉傭百事無所欲乃至頭上髮經年方一  
沐沐稀髮苦落一沐仍半禿短鬢經霜蓬老面辭  
春木強年過猶近衰相來何速應是煩惱多心焦  
血不足

漸少不滿把漸短不盈尺況茲短少中日夜落復

白旣無神仙術何除老死籍祇有解脫門能度衰  
苦厄掩鏡望東寺降心謝禪客衰白何足言剝落  
猶不惜

早蟬

月出先照山風生先動手亦如早蟬聲先入閒人  
耳一聞愁意結再聽鄉心起渭上新蟬聲先聽渾  
相似衡門有誰聽日暮槐花裏

苦熱喜涼

經時苦炎熱心體俱煩倦白日一何長清秋不可  
見歲功成者去天數極則變潛知寒煖間遞次如

乘傳火雲忽朝斂金風借夕涼  
簟枕遂清涼筋骸稍康健  
因思望月侶好卜遊秋宴  
竟夜無客來引杯還自勸

早秋晚望兼呈韋侍郎

九派繞孤城城高生遠思  
人煙半在船野水多於地  
穿霞日脚直驅鴈風頭利  
去國來幾時江上秋二至  
夫君亦淪落此地同漂寄  
惘然向隅心摧頽觸籠翅  
且謀眼前計莫問胸中事  
潯陽酒甚濃相勸時時醉

司馬宅



雨徑綠蕪合霜園紅葉多蕭條司馬宅門巷無人  
過唯對大江水秋風朝夕波

司馬廳獨宿

荒涼滿庭草偃亞侵簷竹府吏下懸簾家僮開被  
幙數聲城上漏一點窻前燭官曹似冰誰肯來  
同宿

夢與李七庾三十三同訪元九

夜夢歸長安見我故親友損之在我左順之在我  
右云是二月天春風出攜手同過靖安里下馬諱  
元九元九正獨坐見我笑開口還指西院花仍開

北亭酒如言各有故似惜歡難久神合俄傾聞神  
離欠伸後覺來疑在側求索無所有殘燈影閃牆  
斜月光穿牖天明西北望萬里君知否老去無見  
期踟躕搔白首

秋槿

風露颯已冷天色亦黃昏中庭有槿花榮落同一  
晨秋開已寂寞夕殞何紛紛正憐少顏色復歎不  
遡巡感此因念彼懷哉聊一陳男兒老富貴女子  
晚婚姻頭白始得知色衰方事人後時不獲已安  
得如青春

初入峽有感

自此後詩  
忠州作

上有萬仞山下有十丈水蒼蒼兩崖間闊狹容一  
葦瞿塘呀直瀉灩澦屹中峙未夜黑巖昏無風白  
浪起大石如刀劔小石如牙齒一步不可行況千  
三百里自峽州至忠州艱險  
相繼凡一千三百里苒弱竹篾筵欹危巖  
師趾一跌無完舟吾生繫於此常聞仗忠信蠻貊  
可行矣自古漂流人豈盡非君子況吾時與命蹇  
舛不足恃常恐不才身復作無名死

過昭君村

村在歸州東  
北四十里

靈珠產無種彩雲出無根亦如彼姝子生此遐陬

村至麗物難掩遽選入君門獨美衆所嫉終棄如  
塞垣唯此希代色豈無一顧恩事排勢須去不得  
由至尊白黑旣可變丹青何足論竟埋代北骨不  
返巴東魂慘淡晚雲水依稀舊鄉園妍姿代已久  
但有村名存村中有遺老指點爲我言不取往者  
戒恐貽來者寃至今村女面燒灼成癍痕

自江州至忠州

前在潯陽日已歎賓朋寡忽忽抱憂懷出門無處  
寫今來轉深僻窮峽巔山下五月斷行舟豔堆正  
如馬巴人類猿伋嬰鑠滿山野敢望見交親喜逢

似人者

初至忠州登東樓寄萬州楊八使君

山東邑居窄峽牽氣候偏林巒少平地霧雨多陰  
天隱隱煮鹽火漠漠燒畝烟賴此東樓夕風月復  
翛然憑軒望所思目斷心惛惛背春有去鴈上水  
無來船我懷巴東守乃是關西賢平生已不淺流  
落重相憐水梗漂萬里籠禽囚五年新恩同雨露  
遠郡鄰山川書信雖往復封疆徒接連其如美人  
面欲見杳無緣

西樓夜

悄悄復悄悄城隅隱林杪山郭燈火稀映天星漢  
少年光東流水生計南枝烏月沒光沉沉西樓殊  
未曉

東樓曉

脉脉復脉脉東樓無宿客城闌雲霧多峽深田地  
窄宵燈尚留焰晨禽初展翮欲知山高低不見東  
方白

寄王質夫

憶始識君時愛君世緣薄我亦吏王畿不爲名利  
著春尋仙遊洞秋上雲居閣樓觀水潺潺龍潭花

漠漠吟詩石上坐引酒泉邊酌因話出處心心期  
老巖壑忽從風雨別遂披簪纓縛君作出山去我  
爲入籠鶴籠深鶴憔悴山遠雲飄泊去處雖不同  
同負平生約今來各何在老去隨所託我守巴南  
城君佐征西幕年稀漸衰颯生計仍蕭索方舍去  
國愁且美從軍樂舊遊疑是夢往事思如昨相憶  
春又深故山花正落

丁籤九十三白居易之

十三

唐音統籤卷

四百十二

五言古詩十三

舊編長慶前集感傷內

南賓郡齋卽事寄楊萬州

以下亦並忠州詩

山上巴子城山下巴江水中窮獨人強名爲刺史時時竊自哂刺史豈如是倉粟餒家人黃縑裹妻子

忠州刺史以下悉以倉田粟給祿食黃絹支俸

莓苔駢冠帶霧雨羶樓雉衙鼓暮復朝郡齋臥還起回首望南浦亦在煙波裏而我復何嗟夫君猶滯此

招蕭處士

峽內豈無人所逢非所思門前亦有客相對不相



知仰望但雲樹俯顧惟妻兒寢食起居外端然無  
所爲東郊蕭處士聊可與開眉能飲滿杯酒善吟  
長句詩庭前吏散後江畔路乾時請君攜竹杖一  
赴郡齋期

庭槐

南方饒竹樹唯有青槐稀十種七八死縱活亦支  
離何此郡庭下一株獨華滋蒙蒙碧烟葉嫋嫋黃  
花枝我家渭水上此樹蔭前輝忽向天涯見憶在  
故園時人生有情感遇物牽所思樹木猶復爾况  
見舊親知

送客回晚興

城上雲霧開沙頭風浪定參差亂山出淡泞平江  
淨行客舟已遠居人酒初醒嫋嫋秋竹梢巴蟬聲  
似磬

東樓竹

瀟灑城東樓遶樓多修竹森然一萬竿白粉封青  
玉捲簾睡初覺欹枕看未足影轉色入樓牀席生  
浮綠空城絕賓客向夕彌幽獨樓上夜不歸此君  
留我宿

九月登巴臺

黍香酒初熟菊暖花未開聞聽竹枝曲淺酌茱萸  
杯去年重陽日漂泊湓城隈今歲重陽日蕭條巴  
子臺旅鬢尋已白鄉書久不來臨觴一搔首座客  
亦徘徊

東城尋春

老色日上面歡情日去心今既不如昔後當不如  
今今猶未甚衰每事力可任花時仍愛出酒後尚  
能吟但恐如此興亦隨日消沉東城春欲老勉強  
一來尋

江上送客

江花已萎絕江草已消歇  
遠客何處歸孤舟今日  
發杜鵑聲似哭湘竹斑  
如血共是多感人仍爲此  
中別

桐花

春令有常候清明桐始發  
何此巴峽中桐花開十  
月豈伊物理變信是土  
宜別地氣反寒暄天時  
倒生殺草木堅強物所  
稟固難奪風候一參差  
榮枯遂乖刺況吾北人  
性不耐南方熱強羸壽  
天間安得依時節

早祭風伯因懷李十一舍人

遠郡雖編陋時祀奉朝經風興祭風伯天氣曉冥  
冥導騎與從吏引我出東坳水霧重如雨山火高  
於星忽憶早朝日與君趨紫庭步登龍尾道却望  
終南青一別身向老所思心未寧至今想在耳玉  
音尚玲瓏

花下對酒二首

藹藹江氣春南賓閏正月梅櫻與桃李次第城上  
發紅房爛簇火素豔粉圍雪香惜委風飄愁牽塵  
枝折樓中老太守頭上新白髮冷淡病心情暈和  
好時節故園音信斷遠郡親賓絕欲問花前樽依

然爲誰設

引手攀紅櫻紅櫻落似霰仰首看白日白日委如  
箭年芳與時景頃刻猶衰變況是血肉身安能長  
強健人心苦迷執慕貴憂貧賤愁色常在眉歡容  
不上面況吾頭半白把鏡非不見何必花下杯更  
待他人勸

不二門

兩眼日將闇四肢漸衰瘦束帶臃昔圍穿衣妨去聲  
寬袖流年似江水奔注無昏晝志氣與形骸安得  
長依舊亦曾登玉陛舉措多紕繆至今金闕籍名

唐詩新集  
姓猶遺漏亦曾燒大藥消息乖火候至今殘丹砂  
燒乾不成就行藏事兩失憂惱心交關化作顛顛  
翁拋身在荒陋坐看老病逼須得醫王救唯有不  
二門其間無天壽

我身

我身何所似似彼孤生蓬秋霜剪根斷浩浩隨長  
風昔於秦雍間今落巴蠻中昔爲意氣郎今作寂  
寞翁外貌雖寂寞中懷頗冲融賦命有厚薄委心  
任窮通通當爲大鵬舉翅摩蒼穹窮則爲鷓鴣一  
枝足自容苟知此道者身窮心不窮

哭王質夫

仙遊寺前別別來十年餘生別猶快快死別復何  
如客從梓潼來道君死不虛驚疑心未信欲哭復  
踟躕踟躕寢門側聲發淚亦俱衣上今日淚篋中  
前月書憐君古人風重有君子儒篇誅陶謝輩風  
襟嵇阮徒出身既蹇迤生世仍須臾誠知天至高  
安得不一呼江南有毒蟒江北有妖狐皆享千年  
壽多於王質夫不知彼何德不識此何辜

東坡種花三首

持錢買花樹城東坡上城但構有花者不限桃杏



梅百果參雜種千枝次第開天時有早晚地方無  
高低紅者霞豔豔白者雪皚皚遊蜂逐不去好鳥  
亦栖來前有長流水下有小平臺時拂臺上石一  
舉風前杯花枝蔭我頭花藥落我懷獨酌復獨詠  
不覺月平西巴俗不愛花竟春無人來唯此醉太  
守盡日不能迴

東坡春向暮樹木今如何漠漠花落盡駢駢葉生  
初每日領僮僕荷鋤仍決渠剡土壅其本引泉漑  
其枯小樹低數尺大樹長丈餘封植未幾時高下  
齊扶疎養樹旣如此養民亦何殊將欲茂枝葉必

先救根株云何救根株  
農均賦租云何茂枝葉  
省事寬刑書移此爲郡政庶幾吐俗蘇

登城東古臺

迢迢東郊上有上青崔嵬不知何代物疑是巴王  
臺巴歌久無聲巴宮沒黃埃靡靡春草合牛羊綠  
四隈我來一登眺目極心悠哉始見江山勢峰巒  
水環迴憑高視聽曠向遠曾襟開唯有故園念時  
時東北來

哭諸故人因寄元九

昨日哭寢門今日哭寢門借問所哭誰無非故交

親偉卿既長往質夫亦幽淪屈指數年世收涕自  
思身彼皆少於我先爲泉下人我今頭半白焉得  
身久存好懷元郎中相識二十春昔見君生子今  
聞君抱孫存者盡老大逝者已成塵早晚升平宅  
開眉一見君

郡中春宴因贈諸客

僕本儒家子待詔金馬門忝塵親近地孤負靈明  
恩一旦奉優詔萬里牧遠人可憐島夷帥自鬻爲  
使君身騎牂牁馬口食塗江鱗閭淡緋衫故爛斑  
白髮新是時歲二月玉曆布春分頒條示皇澤命

宴及良辰冉冉趨府吏蚩蚩聚州民有如蟄虫鳥  
亦應天地春薰草席鋪坐藤枝酒注樽中庭無平  
地高下隨所陳鬻鼓聲坎坎巴女舞蹲蹲使君居  
上頭掩口語衆賓勿笑風俗陋勿欺官府貧蜂巢  
與蟻穴隨分有君臣

開元寺東池早春

池水暖溫暎水清波激灑簇簇青泥中新蒲葉如  
劍梅房小白裏柳彩輕黃染順氣草薰薰適情鷗  
汎汎舊遊成夢寐往事隨陽焱芳物感幽懷一動  
平生念

東澗種柳

野性愛栽植植柳水中坻乘春持斧斫栽截而樹  
之長短旣不一高下隨所宜倚岸埋大幹臨流插  
小枝松柏不可待榦榘固難移不如種此樹此樹  
易榮滋無根亦可活成陰況非遲三年未離郡可  
以見依依種罷水邊憇仰頭湖自思富貴本非望  
功名須待時不種東溪柳端坐欲何爲

臥小齋

朝坐視事畢晏坐飽食終散步長廊亦臥退小齋  
中拙政自多暇幽情誰與同孰云二千石心如田

野翁

步東坡

朝上東坡步夕上東坡步東坡何所愛愛此新成  
樹種植當歲初滋榮及春暮信意取次栽無行亦  
無數綠陰斜景轉芳氣微風度新葉鳥下來萎花  
蝶飛去閒攜斑竹杖徐曳黃麻屨欲識往來頻青  
苔成白路

徵秋稅畢題郡南亭

高城直下視蠹齋見巴蠻安可施政教尚不通語  
言且喜賦斂畢幸聞閭井安豈伊循良化賴此豐

登年拔牘旣簡少池館亦清閒秋雨簷果落夕鐘  
林鳥還南亭日瀟灑偃臥恣疎頑

蚊蟆

巴徼炎毒早二月蚊蟆生啞膚拂不去遶耳薨薨  
聲斯物頗微細中人初甚輕如有膚受譖久則瘡  
疔成疔成無奈何所要防其萌麼蟲何足道潛論  
傲人情

登龍昌上寺望江南山懷錢舍人

騎馬出西郭悠悠欲何之獨上高寺去一與白雲  
劫虛檻晚瀟灑前山碧參差忽似青龍閣同望玉

峰時因詠松雪句未懷鸞鶴姿六年不相見況乃

隔榮衰

昔嘗與錢舍人登青龍寺上方同望藍田山間有絕句云偶來上寺因高望松雪分

明見舊山

### 郊下

西日照高樹樹頭子規鳴東風吹野水水畔江籬  
生盡日看山立有時尋澗行兀兀長如此何許似  
專城

### 遣懷

樂往必悲生泰來猶否極誰言此數然吾道何終  
塞嘗求詹尹卜拂龜竟默默亦曾仰問天天但蒼



蒼色自茲唯委命各利心雙息近日轉安閒鄉園  
亦休憶回看世間苦苦在求不得我今無所求庶  
離憂悲域

歲晚

霜降水返壑風落木歸山冉冉歲將宴物皆復本  
源何此南遷客五年獨未還命途分已定日久心  
彌安亦嘗心與口靜念私自言去國固非樂歸鄉  
未必歡何須自生苦捨易求其難

負冬日

杲杲冬日出照我屋南隅負暄閉口坐和氣生肌

膚初似飲醇醪又如蟄者蘇外融百骸暢中適一  
念無曠然忘所在心與虛空俱

委順

山城雖荒蕪竹樹有嘉色郡俸誠不多亦足充衣  
食外累由心起心寧累自息尚欲忘家鄉誰能算  
官職冥懷齊遠近委順隨南北歸去誠可憐天涯  
住亦得

宿溪翁

時初除郎  
官赴朝

衆心愛金玉衆口貪酒肉何此溪上翁飲瓢亦自  
足溪南刈薪草溪北修牆屋歲種一頃田春驅兩

黃犢於中甚安適此外無營欲溪畔偶相逢菴中  
遂同宿辭翁向朝市問我何官祿虛言笑殺翁郎  
官應列宿

重過壽泉憶與楊九別時因題店壁

商州南十里有水名壽泉湧出石崖下流經山店  
前憶昔相送日我去君言還寒波與老淚此地共  
潺湲一去歷萬里再來經六年形容已變改處所  
猶依然他日君過此殷勤吟此篇

西掖早秋直夜書意

自此後中書  
舍人時作

涼風起禁掖新月生宮沼夜半秋暗來萬年枝嫋

嫋炎涼遁時節鐘鼓交昏曉遇聖情年衰報思愁  
力小素餐無補益朱綬虛纏繞冠蓋栖野雲稻梁  
養山鳥量力私自省所得已非少五品不爲賤五  
十不爲夭若無知足心貪求何日了

庭松

堂下何所有十松當我階亂立無行次高下亦不  
齊高者三丈長下者十尺低有如野生物不知何  
人栽接以青瓦屋承之白沙臺朝昏有風月燥濕  
無塵泥疎韻秋槭槭涼陰夏淒淒春深微雨夕滿  
葉珠蓑蓑歲暮大雪天壓枝玉皚皚四時各有趣

萬木非其儕去年買此宅多爲人所咤一家十二  
口移轉就松來移來有何得但得煩襟開卽此是  
益友豈必交賢才顧我猶俗士冠蓋老塵埃未稱  
爲松主時時一愧懷

竹窻

常愛輞川寺竹窻東北廊一別十餘載見竹未曾  
忘今春二月初卜居在新昌未暇作廐庫且先營  
一堂開窻不糊紙種竹不依行意取北簷下窻與  
竹相當遠屋聲浙浙逼人色蒼蒼烟通杳靄氣月  
透玲瓏光是時三伏天天氣熱如湯獨此竹窻下

朝迴解衣裳輕紗一幅小  
尊六尺牀無客盡日  
靜有風終夜涼乃知前古  
人言事頗諳詳清風北  
牕臥可以傲羲皇

同韓侍郎遊鄭家池吟詩小飲

野艇容三人晚池流澆澆悠然依棹坐水思如江  
海宿雨洗沙塵晴風蕩煙靄殘陽上竹樹枝葉生  
光彩我本偶然來景物如相待白鷗驚不起綠芡  
行堪採齒髮雖已衰性靈未云改逢時遇杯酒尚  
有心情在

晚歸有感

朝弔李家孤暮問空家疾

時李十一侍御諸子尚居憂從二十二員外三

句臥

回馬獨歸來低眉心鬱鬱平生所善者多不

過六七如何十年間零落三無一劉曾夢中見元

向花前失

劉三十二校書段後嘗夢見之元八少尹今春櫻桃花時長遊

漸老與

誰遊春城好風日

### 曲江感秋二首

并序

元和二年三年四年子每歲有曲江感秋詩凡三篇編在第七集卷是時子爲左拾遺翰林學士無官既江苑司馬忠肅刺史前年遷主客郎中知制誥未屆歲授中書舍人今遊曲江又值秋日風物不改人事屢變況子中否後遇昔壯今衰慨然感懷復有此作噫人生多故不知明年秋又何許也時二年七月十七日云耳

元和二年秋我年三十七長慶二年秋我年五十一  
一中間十四年六年居譴黜窮通與榮悴委運隨  
外物遂師廬山遠重弔湘江屈夜聽竹枝愁秋看  
豔堆沒近辭巴郡印又乘綸闈筆晚遇何足言白  
髮映朱紱消沉昔意氣改換舊容質獨有曲江秋  
風烟如往日

疎蕪南岸草蕭颯西風樹秋到未幾時蟬聲又無  
數莎平綠茸合蓮落青房露今日臨望時往年感  
秋處池中水依舊城上山如故獨我髣髴間毛昔黑  
今垂素榮名與壯齒相避如朝暮時命始欲來年



顏已先去當春不歡樂臨老徒驚悞故作詠懷詩  
題於曲江路

翫松竹二首

龍蛇隱大澤麋鹿遊豐草栖鳳安於梧潛魚樂於  
藻吾亦愛吾廬廬中樂吾道前松後修竹偃臥可  
終老各附其所安不知他物好

坐愛前檐前臥愛北牕北牕竹多好風檐松有嘉  
色幽懷一以合俗念隨緣息在爾雖無情於予卽  
有得乃知性相近不必勞培植

衰病無趣因吟所感

朝餐多不飽夜臥常少睡自覺寢食間多無少年  
味平生好詩酒今亦將捨棄酒唯下藥飲無復曾  
歡醉詩多聽人吟自不題一字病姿與衰相日夜  
相繼至況當尚少朝彌慙居近侍終當求一郡聚  
少漁樵費合口便歸山不問人間事

逍遙詠

亦莫戀此身亦莫厭此身此身何足戀萬劫煩惱  
根此身何足厭一聚虛空塵無戀亦無厭始是逍  
遙人

卷終